



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 150. Cardinalis Cusanus a Duce carceri datus

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

§. CL.

Sæcul. XV.
A. C. 1460.*Cardinalis de Cusa jussu Austriaci
carceri datus.*

Nauclerus testatum reliquit, quod Ecclesia Brixienfis Nicolao Cardinali in commendam data fuerit a Nicolao V. Papa, quamvis huic rei statim Sigismundus Austriæ Dux, ac Tirolis Comes oblectaretur, nec ultra tolerandum censeret, ut ea in suas quoque ditiones extendatur consuetudo, qua Cardinales Ecclesias Germaniæ fiduciario nomine possiderent, prout tamen illa ætate in aliis Regnis non sine Ecclesiarum dispendio usus obtinuerat. Cum vero postea idem Cardinalis collapsam cujusdam Religiosæ familiæ disciplinam restaurare meditaretur, denuo Sigismundum pio proposito adversantem experiebatur. Præterea Dux quædam feuda ab Ecclesia Brixienfi accepta possidebat, pro quibus investituram a Cardinale petere recusabat, nil proficientibus quibuscunque allegatis justitiæ rationibus. Hasce Nauclerus assignat causas, ex quibus dissensiones Ducem inter & Cardinalem exortæ fuerunt, unde postmodum adeo invaluit Ducis odium, ut Cardinalis Episcopatu suo excedere compulsus, Callistum Papam ad-

Tt 5 hucdum

Sæcul. XV.
A.C. 1460.

hucdum viventem adiret, qui Ducem, cum incassum saniora ei consilia persuadere laborasset, anathemate perculit, omnesque illius ditiones interdicto subiecit. Hunc totius negotii statum cum Pius II. ad summum Pontificatum evectus percepisset, omne impendit studium, ut Sigismundum cum Cardinale conciliaret, sed operam perdidit. Nihilominus Cardinalis ad suam Ecclesiam rediit, fretus maxime literis Austriæ Ducis, quibus ille eidem promiserat, se deinceps nullam ei illaturum molestiam, sed pristinam potius concordiam reducturum. Attamen Sigismundus datam fidem fefellit; ipsa enim Paschatis die oppidum, in quo Cardinalis agebat, vi cepit, arcemque, ad quam confugerat, oppugnare aggressus, ultro in deditionem accepit, Cardinalem vero in arctissima custodia cum summa ignominia servari iussit, libertatemque concedere negavit, donec quoddam Ecclesiæ castrum ipsi tradidisset, atque ingentem pecuniarum summam numerasset.

§. CLI.

Austriaci a Papa Excommunicati ad futurum Concilium appellatio.

Pius II. cum rei indignitatem abominaretur,